



Broj: 01/3-50-1-29-9/04
Sarajevo, 25. juna 2004. godine

Z A P I S N I K
sa 9. sjednice Komisije za vanjsku trgovinu i carine
Predstavničkog doma Parlamentarne skupštine BiH,
održane 25. juna 2004. godine

Sjednica je počela u 15 sati.

Sjednicom je predsjedavao Petar Kunić, predsjedavajući Komisije.
Sjednici su prisustvovali: Fatima Leho, Nikola Kragulj, Izet Hadžić, Marija Perkanović i Azra Hadžiahmetović.

Opravdano odsustvovali: Ibrahim Đedović, Filip Andrić i Mladen Potočnik.

Za sjednicu Komisije je predložen i usvojen sljedeći

D N E V N I R E D

1. Razmatranje Prijedlog zakona o izmjenama Zakona o Carinskoj tarifi Bosne i Hercegovine, predlagač poslanik Azra Hadžiahmetović,
2. Razmatranje Prijedloga zakona o izmjenama Zakona o carinskoj politici Bosne i Hercegovine, predlagač Vijeće ministara BiH
3. Razmatranje Prijedloga zakona o izmjeni Zakona o vanjskotrgovinskoj politici Bosne i Hercegovine, predlagač Vijeće ministara BiH
4. Tekuća pitanja.

Na prijedlog Azre Hadžiahmetović prihvaćeno je da Komisija razmatra Prijedloga zakona o izmjeni Zakona o vanjskotrgovinskoj politici Bosne i Hercegovine, predlagač Vijeće ministara BiH i dostavi Izvještaj Domu, a da se o tački 1. i 2. ponovo uputi dopis Izvršnom odboru Uprave za indirektno oporezivanje radi dostavljanja mišljenja.

Ad-1

Prijedlog zakona o izmjenama Zakona o Carinskoj tarifi BiH, predlagača Azre Hadžiahmetović, dostavljenog u parlamentarnu proceduru 9.3.2004. godine

Predlagač Zakona smatra da o tekstu izmjena Zakona koje je predložila mišljenje treba dostaviti Upravni odbor Uprave za indirektno oporezivanje, i da ostaje

kod teksta izmjena neovisno od toga što je Predstavnički dom na sjednici održanoj 18. juna 2004. godine po članu 105. Poslovnika usvojio je Prijedlog zakona o dopuni zakona o Carinskoj tarifi Bosne i Hercegovine, predlagača Vijeća ministara BiH u kome su prema zaključku Vijeća ministara trebala biti sadržana i rješenja izmjene zakona koji je ona predložila.

U raspravi su učestvovali: Petar Kunić, Azra Hadžiahmetović i Fatima Leho.

Komisija je zaključila je da se od Upravnog odbora Uprave za indirektno oporezivanje zatraži mišljenje o Prijedlogu zakona o izmjenama Zakona o Carinskoj tarifi BiH, predlagača Azre Hadžiahmetović kako bi bile ispoštovane odredbe Zakona o sistemu indirektnog oporezivanja u Bosni i Hercegovini, i Komisija mogla okončati komisijsku fazu.

Ad-2

Prijedlog zakona o izmjenama Zakona o carinskoj politici Bosne i Hercegovine, predlagača Vijeća ministara Bosne i Hercegovine, dostavljenog u parlamentarnu proceduru 9.4.2004. godine

Potrebno je navesti da je u međuvremenu Vijeće ministara Bosne i Hercegovine na 57. sjednici od 27. maja 2004. godine utvrdilo Prijedlog zakona o izmjenama Zakona o carinskoj politici Bosne i Hercegovine u koji su ugrađene izmjene stava 2. člana 162. predloženih prethodnih izmjena od 9.4.2004. godine, te Zakon dostavilo u parlamentarnu proceduru 6. juna 2004. godine.

Na osnovu zaključka Komisije sa 8. sjednice Sektor za carinsku politiku i tarife Ministarstva vanjske trgovine i ekonomskih odnosa obratio se Upravnom odboru Uprave za indirektno oporezivanje dopisom broj: 04-1-02-6870/04 od 7. 6. 2004. godine radi dobijanja mišljenja, odnosno odobrenja na osnovu člana 25. Zakona o sistemu indirektnog oporezivanja u BiH.

Zaključeno je da se ponovo kod Upravnog odbora Uprave za indirektno oporezivanje, uz dostavljanje amandmana Joze Križanovića, interveniše radi dobijanja mišljenja, odnosno stava Upravnog odbora u što kraćem roku.

Ad-3

Prijedlog zakona o izmjeni Zakona o vanjskotrgovinskoj politici Bosne i Hercegovine, predlagača Vijeća ministara BiH dostavljenog u parlamentarnu proceduru 29. marta 2004. godine

Kolegij Predstavničkog doma obavijestio je Komisiju 19. 4. 2004. godine da je Predstavnički dom na 33. održanoj 14.4.2004. razmatrao i prihvatio zahtjev predlagača Vijeća ministara BiH da se Prijedlog zakona o izmjeni Zakona o vanjskotrgovinskoj politici BiH razmatra po hitnom postupku u skladu sa članom 104. Poslovnika, i kao nadležnu komisiju odredio je Komisiju za vanjsku trgovinu i carine.

Ustavno-pravna komisija Predstavničkog doma 30. 4. 2004.godine utvrdila je da postoji valjan ustavno-pravni za donošenje Zakona o izmjeni Zakona o vanjskotrgovinskoj politici Bosne i Hercegovine i da se ponuđeni tekst Zakona može

uputiti u dalju proceduru nadležnoj komisiji, te 5.5.2004. godine dostavlja mišljenje Komisiji.

U općoj raspravi učestvovali su svi prisutni članovi Komisije.

Postupak u Komisiji počeo je općom raspravom o principima Zakona.

Komisija je konstatovala da na predloženi tekst Zakona nije bilo amandmana.

Nakon obavljene opće rasprave glasalo se o principima predloženog Zakona, i Komisija je jednoglasno podržala principe Zakona.

Komisija je mišljenja da je neophodno donijeti Zakon o izmjeni Zakona o vanjskotrgovinskoj politici Bosne i Hercegovine, te predlaže Predstavničkom domu da usvoji Zakon o izmjeni Zakona o vanjskotrgovinskoj politici Bosne i Hercegovine.

Na osnovu člana 89. Poslovnika Komisija je za izvjestioca na plenarnoj sjednici imenovala predsjedavajućeg Komisije.

Ad-4

Sekretar Komisije upoznala je prisutne da je na narednoj sjednici u komisijskoj fazi potrebno razmatrati Zakon o Agenciji za unapređenje inozemnih investicija u Bosni i Hercegovini koji je u parlamentarnu proceduru dostavilo Vijeće ministara BiH 21.5.2004. godine s prijedlogom da se Zakon razmatra po hitnom postupku na osnovu člana 104. poslovnika Predstavničkog doma, i da je Predstavnički dom na 38. sjednici 9.6.2004. godine prihvatio zahtjev predlagača da zakon razmatra po hitnom postupku.

Također Kolegij doma 2. 6.2004. godine odredio je Komisiju kao nadležnu za davanje autentičnog tumačenja člana 29. stav 2. Zakona o slobodnim zonama dostavljenog od Slobodne zone d.o.o.Visoko kao i tumačenje Zakona o carinskoj tarifi BiH spornog tarifnog broja 1211900010 i tarifnog broja 0902400000.d.o.o "Ilić-komerc" Stanari-Doboj. Nakon dobijanja mišljenja Ustavno-pravne komisije, Komisija za vanjsku trgovinu i carine provešće proceduru na osnovu Zaključka o autentičnom tumačenju zakona, drugih propisa i općih akata Predstavničkog doma Parlamentarne skupštine BiH ("Službeni glasnik BiH", broj 24/04).

Sjednica je završena u 15:20.

Sekretar Komisije
Emira Češljarić

Predsjedavajući Komisije
dr. Petar Kunić